

# Ich söök noh dir

Musik & Text Björn Heuser / Verlag: HEUSERMUSIK

---

Wie en Stecknodel em Heuhaufe, die sich versteck,  
un schwer nur finge lööt, doch wo mer weiß, dat et se jitt.  
Wenn mer´t spürt un fess dran jläuv, dat mer ne Deckel fingk,  
für jede Pott he op der Ääd, der die Erlösung brengk.  
Immer wenn mer´t jrad nit denk, kütt do e Jeföhl,  
et kribbelt leich em Buch, et weed alles anders un mer well  
de janze Welt ömärme, schreie vür luter Jlöck,  
op der Moment waat ich schon lang, vielleicht passeet et hück!

**Ich söök noh dir, vielleicht bes do he irjendwo,  
ich söök noh dir, vielleicht bes do mir schon janz noh.  
Ich weiß nit, wie do heiß, un ich weiß nit wer do bes,  
doch ich weiß, dat et dich jitt.**

Ich künnst mich opmaache, lostrecke en de wigge Welt,  
dir folje wie ne Detektiv, spioniere, doch ich well  
nit öm jede Pries för alles Jeld der Welt opdringlich sin,  
ich wade op der Augebleck, en däm ich dich fing.

**Ich söök noh dir...**

Wenn mer wöss, wie et es, wie et sich ahnföhlt, dat jroße Jlöck,  
un ov mer wirklich richtig litt, verröt nur de Zick.